

3P-40

本
44.
細目

巻
廿九
の十

李時珍曰蟲乃生物之微者其類甚繁故字從三蟲

會意按攷工記云外骨內骨却行仄行連行紆行以

脰鳴注同鳴旁鳴翼鳴腹鳴胸鳴者謂之小蟲之屬

其物雖微不可與麟鳳龜龍爲伍然有羽毛鱗介保

之形胎卵風濕化生之異蠢動含靈各具性氣錄其

功明其毒故聖人辨之況蜩蜚蟻蝨可供饋食者見

于禮記螟螣蟣蠹可供七劑載在方書周官有庶氏

除毒蠹剪氏除蠹物蝨氏去毒鼯赤祓氏除牆壁狸

蟲蠓螻之屬壺涿氏除水蟲狐蜚之屬則聖人之于
微瑣罔不致慎學者可不究夫物理而察其良毒乎
於是集小蟲之有功有害者為蟲部凡一百零六種

分為三類曰卵生曰化生曰濕生

舊本蟲魚部三品
共二百三十六種

今析出鱗介二部併入六種移入種入禽獸服
器部自有名未用移入六種木部移入二種

神農本草經二十九種

梁陶弘景註

名醫別錄十七種

梁陶弘景註

唐本草一種

唐蘇恭

本草拾遺二十四種

唐陳藏器

證類本草二種

宋唐微

本草會編一種

明汪機

本草綱目二十六種

明李時珍

附註

魏李當之藥錄

吳普本草

宋雷斅炮炙

齊徐之才藥對

唐甄權藥性

唐孫思邈千金

唐楊損之刪繁

孟詵食療

南唐陳士良食生

蜀韓保昇重註

宋掌禹錫補註

寇宗奭衍義

張元素珍珠囊

元李杲法象

汪好古湯液

朱震亨補遺

大奇

目

錄

上

二

三

種

蟲之一

卵生類上二十三種

蜂蜜

本經

靈雀附

蜜蠟

本經

蜜蜂

本經

土蜂

別錄

大黃蜂

別錄

露蜂房

本經

竹蜂

拾遺

赤翅蜂

拾遺

獨脚蜂

拾遺

蠟螈

本經

雄黃蟲附

即果蠃

蟲白蠟

會編

紫釰

唐本

即紫梗

五倍子

開寶

百藥煎

螳螂桑螵蛸

本經

雀甕

本經

即天漿子

蠶

本經

原蠶

別錄

即晚蠶

石蠶

本經

師雨虎附

九香蟲

綱目

海蠶

海藥

雪蠶

綱目

枸杞蟲

拾遺

懷香蟲

綱目

蟲之一

非生類上二十三種

蜂蜜

本經上品

釋名蜂糖

俗名

生巖石者名石蜜

本經

石飴

同

巖蜜

時珍

曰蜜以密成故謂之蜜本經原作石蜜蓋以生巖石者為良耳而諸家反致疑辯今直題曰蜂蜜正

名

也

正誤

茶曰土蜜出氏羌中最勝今關中白蜜甘美耐久全勝江南者陶以未見故以南土為勝

耳今以水牛乳沙糖作者亦名石蜜此蜜既蜂作

宜去石字宗奭曰嘉祐本草石蜜有二一見蟲魚

一見果部乳糖既曰石蜜則蟲部石蜜不當言石

矣石字乃白字誤耳故今人尚言白沙蜜蓋新蜜

蜂而黃陳蜜白而沙也○藏器曰巖蜜出南方巖
嶺間入藥最勝石蜜宜改爲巖字蘓恭是荆襄間
入地無崖險不知石蜜之勝故也時珍曰按本經
云石蜜生諸山石中色白如膏者良則是蜜取山
石者爲勝矣蘓恭不及山石字因乳糖同名而欲
去石字寇氏不知真蜜有白沙而僞蜜稀黃但以
新久立說並誤矣凡試蜜以燒紅火
筋插入提出起氣是真起烟是僞

集解

別錄曰石蜜生武都山谷河源山谷及諸山
石間色白如膏者良弘景曰石蜜卽崖蜜也

在高山巖石間作之色青味小酸食之心煩其蜂
黑色似蜜其木蜜懸樹枝作之色青白土蜜在上
中作之色亦青白味酸人家及樹空作者亦白而
濃厚味美今出晉安檀崖者多土蜜云最勝出東
陽臨海諸處及江南向西者多木蜜出於潛懷安
諸縣者多崖蜜亦有樹木及人家養者諸蜜例多
添礬及煎煮不可入藥必須親自看取以無礬耳

隨土地所宜其蜜一也崖蜜別是一蜂如陶所說
出南方崖嶺間房懸崖上或土窟中人不可到但
以長竿刺令蜜出以物承取多者至三四石味驗
色綠入藥勝於凡蜜張華博物志云南方諸山幽
僻處出蜜蠟蜜蠟所著皆絕巖石壁非攀緣所及
惟於山頂以藍絙懸下遂得采取蜂去餘蠟在石
有鳥如雀群來啄之殆盡名曰靈雀至春蜂歸如
舊人亦占護其處謂之蜜塞此卽石蜜也頌曰食
蜜亦有兩種一在山林木上作房一在人家作窠
檻收養之蜜皆濃厚味美近世宣州有黃連蜜色
黃味小苦土曰熟雍洛間有梨花蜜白如凝脂毫
州太清宮有檜花蜜色小赤柘城縣有柯首烏蜜
色更赤並蜂采其花作之各隨花性之溫涼也宗
奭曰山蜜多在石中木上有經一二年者氣味醇
厚人家者一歲二取氣味不足故不及且久收易
酸也時珍曰陳藏器所謂靈雀者小鳥也一名蜜

母黑色正月則至巖石間尋求
安處群蜂隨之也南方有之

修治

教曰凡煉蜜一斤只得十二兩半是數若火少大過並用不得時珍曰凡煉沙蜜每斤入

水四兩銀石器內以桑柴火慢煉掠去浮沫至滴水成珠不散乃用謂之木火煉法又法以器盛置重湯中煮一日候滴水不散取用亦佳且不傷火也

氣味甘平無毒

別錄曰微溫頴曰諸蜜氣味當以花為主冬夏為上秋次之春則易

變而酸閩廣蜜極熱以南方少霜雪諸花多熱也川蜜溫西蜜則涼矣劉完素曰蜜成於蜂蜂寒而蜜溫同質異性也時珍曰蜂蜜生涼熟溫不冷不燥得中和之氣故十二臟腑之病罔不宜之但多食亦生濕熱蟲躡小兒尤當戒之王充論衡云蜂蠶稟太陽火氣而生故毒在尾蜜為蜂液食多則

思邈曰：凡食生葱、薑、蒜，同食令人暴亡。食之心煩，不可與生葱、薑、蒜同食，令人利下。食蜜飽後，不可食鮮，令人暴亡。

主治心腹邪氣，諸驚癇，瘞安五臟，諸不足，益氣補

中止，痛解毒，除衆病，和百藥。久服強志，輕身不饑。

不老延年神仙。

木經

養脾氣，除心煩，飲食不下，止腸

辟肌中疼痛，口瘡，明耳目。

別錄

牙齒疳，蠱，口瘡，目

膚赤，障殺蟲。

藏經

治卒心痛，及赤白痢，水作蜜漿，頓

服一椀，止。或以薑汁同蜜，各一合，水和頓服，常服。

面如花紅。

甄權

治心腹血刺痛，及赤白痢，同生地黃

汁各一匙服即下孟同薤白搗塗湯火傷即時痛

止宗奭曰肘后用白蜜塗上竹膜貼之日三和營衛潤臟腑通三焦調

脾胃時珍

發明弘景曰石蜜道家九餌莫不須之仙方亦單服食云至長生不老也時珍曰蜂采無毒之

花釀以大便而灰蜜所謂臭腐生神奇也其入藥之功有五清熱也補中也解毒也潤燥也止痛也生則性涼故能清熱熟則性溫故能補中甘而和平故能解毒柔而濡澤故能潤燥緩可以去急故能止心腹肌肉瘡瘍之痛和可以致中故能調和百藥而與甘草同功張仲景治陽明結燥大便不通蜜煎導法誠千古神方也說曰但凡覺有熱四肢不和即服蜜漿一椀甚良又點目中熱膜以家養白蜜為上木蜜次之崖蜜更

津液內渴也蜜煎導之用蜜二合銅器中微火煎之候凝如飴狀至可左乘熱捻作挺令頭銳大如指長寸半許候冷卽雙納便道中少頃卽噫不下通也○一法加皂角細辛爲末少許尤速

食

天口虜瘡

有病天行斑瘡頭面及身須臾周匝狀如火瘡皆
戴白漿隨決隨生不自療數日必死差後瘡癰黯
色一歲方滅此惡毒之氣世人云建武中南陽學
虜所得仍呼爲虜瘡諸醫叅詳療之取好蜜通摩
瘡上以蜜煎升麻
數七拭之肘后痘疹作瘡難忍搗成瘡及抱欲
等石蜜不拘多少湯和特時以翎刷
之其瘡易落自無癰痕○全幼心鑑癰癰瘰癧痒

不拘多少好酒調下有効

五色丹毒

蜜和乾薑末傳之肘後

口中生瘡

蜜浸

大青葉含之

陰頭生瘡

以蜜煎甘草塗之瘡

外臺

肛門生瘡

藥性論

肛門主肺肺熱即肛塞腫縮生瘡白蜜一斤攪膽汁一枚相和微火煎令可丸丸三寸長作挺塗油

納下部臥令後重

熱油燒痛

以白蜜塗之

疔腫惡毒

用生蜜與隔年葱研膏先刺破塗之如人行五

里許則疔出後以熱醋湯洗去

濟急仙方

大

瘋癩瘡

取白蜜一斤生薑二斤搗取汁先秤銅錯斤兩下薑汁於蜜中消之又秤之令知斤

兩即下蜜於錯中微火煎令薑汁盡秤蜜斤兩在

即藥已成矣患三十年癩者平旦服棗許大一丸

一日三服溫酒下忌生冷醋滑臭物

功用甚多不能一一具之食療方

諸魚骨鱖

以好蜜稍稍服之令下

葛氏拔白生黑

治年少髮白拔去曰髮以

白蜜塗毛孔中即生黑髮不生取梧
桐子搗汁塗上必生黑者梅師方

蜜蠟

本經上品

釋名

弘景曰生於蜜中故謂蜜蠟時珍曰蠟猶鬣也蜂造蜜蠟而皆成鬣也

集解

別錄曰蠟生武都山谷蜜廬木石間弘景曰蜂先以此為蜜黠煎蜜亦得之初時極香軟

人更煮煉或少加醋酒便黃赤以作褐色為好今醫家皆用白蠟但取削之於夏月暴百日許自然

白也卒用之烱內水中十餘遍亦白宗奭曰新蠟色白隨久則黃白蠟乃蠟之精英者也時珍曰蠟

乃蜜脾底也取蜜後煉過濾入水中候凝取之色黃者俗名黃蠟煎煉極淨色白者為白蠟非新則

白而久則黃也與今時所用蟲造白蠟不同

氣味甘微溫無毒

之才曰惡
荒花齊蛤

主治蜜蠟主下痢膿血補中續絕傷金瘡益氣不

饑耐老

本經權曰和松脂杏仁棗肉茯苓等分合
成食後服五十九便不飢頌曰古人荒歲

多食蠟以度飢但合
大棗咀嚼即易爛也

白蠟療人洩瀉後重見白膿補絕傷利小兒久服

輕身不饑

別錄

孕婦胎動下血不絕欲死以雞子大

煎三五沸投美酒半升服立瘥又主白髮鑷去消

宋俱厚屬於陰也故養脾蠟之氣味俱薄屬乎秋也故胃厚者味甘而性緩質柔故潤臟腑薄者味淡而性嗇質堅故止洩痢張仲景治痢有調氣飲千金方治痢有膠蠟湯其效甚捷蓋有見於此歟又華佗治老少下痢食入即吐用白蠟方寸七雞子黃一箇石蜜苦酒髮灰黃連末各半雞子殼先煎蜜蠟苦酒雞子四味令勻乃納連髮熬至可丸乃止二日服盡神効無比也此方用之屢經效驗乃知本經主下痢膿血之言深當膺服也

附方

舊十八
新十五

仲景調氣飲

治赤白痢小腹痛不可忍下重或面青手足俱

變者用黃蠟三錢阿膠三錢同溶化入黃連末五錢攪勻分三次熱服神妙

金匱

千金膠蠟湯

治熱痢及婦人產後下痢用蠟二碁子大阿膠二錢當歸二錢半黃連三

錢黃藥一錢陳廩米半升水三鍾煮米至一急心升去米入藥煎至一鍾溫服神効千金方

疼痛

用黃蠟燈上燒化九艾子大百草霜為衣井水下三九

肺虛咳嗽

立效九治

肺虛隔熱咳嗽氣急煩滿咽乾燥渴欲飲冷水體

倦肌瘦發熱減食喉音嘶不出黃蠟溶濾令淨漿

水煮過入兩再化作一百二十九以蛤粉四兩為

衣養藥每服一九胡桃半箇細嚼溫水下即臥閉

口不語日二

肝虛雀目

黃蠟不拘多少添升取出入蛤粉相和得所每用刀

于切下二錢以豬肝二兩批開摻藥在內麻繩扎

定水一椀同入銚子內煮熟取出乘熱蒸眼至溫

并肝食之日二以平安為

頭風掣疼

湖南柳衙頭

度其效如神集驗方

蠟二斤鹽半斤相和於銚羅中溶令相入捏作一

塊登勢可合腦大小空頭至額其痛立止也經

驗